



IPABO

Instituto Pedagógico
Arubano

3 di maart 2010

IPA, DUSHIYIU!!

ARUBA TOASTMASTERS CLUB

Oranjestad – Dia 6 di mart proximo lo bai tin un presentacion unico na Aruba organisa pa e organizacion di Toastmaster di e region di Antia, Division A. Division A ta e organo cu ta representa e.o. Antia, Aruba, British y US Virgin Islands, pa Distrito 81, cual ta e organizacion madre di Toastmaster den Caribe, y cu ta pertenesce na e organizacion mundial di Toastmaster International.

E Gobernado di Division A, Distinguished Toastmaster (DTM) sra. Roxienne Albertina, lo bishita Aruba for di Kòrsou den mart cu un grandioso presentacion. Durante di e presentacion dia 5 di maart 2010 esnan presente por haña informacion balioso riba e meta, vision, mision y beneficiario di e organizacion di Toastmaster International. Lo elabora riba tur e diferente aspectonan di Toastmaster y kico esakinan ta nifica y ta brinda un hende pa e por ta mañan un miho comunicado, un miho lider y asina bira un ehempel pa su comunidad.

Toastmaster den un palabra, ta yuda un hende pa e por desaroya su abilidadnan di scucha mas efectivo, pensa cu mas claridad, papia cu mas confianza, prepara y presenta su mes mas miho den publico. Tur esaki por keda logra den un ambiente sumamente dushi y trankil caminda e hende ta risibi evaluacion den un forma constructivo cu lo motiv'e ainda mas pa e por sigui traha riba e desaroyo di su abilidadnan di comunicacion y liderazgo. Huntu cu tur esaki e hende lo cosecha tambe experencia riba con organisa, plania y ehecuta reunion den un forma mas efectivo y eficiente. "Con Toastmaster por sirbi Aruba", esaki ta e lema cu a scohe pa hasi e campaña promocional durante dje siman di 4 te cu dia 6 di mart 2010. E presentacion lo tuma luga pues dia 7 di mart 2010, na Club Don Bosco na Noord di 20.00 – 22.00 pm.

Un y tur ta keda invita pa e presentacion y lo keda satisfecho sigur di a experencia y presensia e presentacion aki.

Pa pregunta of contacto por manda un E-mail na: ToastmastersClub.Aruba@yahoo.com of bishita nos pagina ariba Face Book.

Den IPABO di awe

Pagina

- 1 Aruba Toastmasters Club
- 2 Bishita oficial di Prof. Dr. Nick Faraclas, Prof. Dr. Susana DeJesús y Pier Angeli Le Compte Zambrana
- 3 Informacion general 1
- 4 Informacion general 2
- 5 Noticia general
- 6 Afdeling Professionele Ontwikkeling en Permanente Educatie IPA Opleidingen 2009-2010

Via di e medio aki mi kier anuncia na tur docente, estudiante y personal di sosten di IPA cu den e siman di 8 pa 12 di maart proximo lo bay tin diferente actividad relaciona cu idioma, enseñansa y comunidad, organisa pa CIDE (Centro di Investigacion y Desaroyo di Enseñansa). Manera nos tur sa, CIDE ta e Centro di Investigacion di IPA. Durante e siman aki IPA lo ricibi bishita di un delegacion di tres investigador for di Universidad di Puerto Rico (UPR). Dr. Susana DeJesús tin experiencia amplio riba tereno di enseñansa multilingual y multicultural den comunidadnan minoritario na Merca y Puerto Rico y a traha den e area aki como Professor, investigador, supervisor y desaroyado profesional. Pier Angeli Le Compte Zambrana ta un Candidato di PhD den e Programa di Linguistica Caribense na Universidad di Puerto Rico, caminda el a ricibi su Master y Bachelorden enseñansa di idioma. Meta Meta di e siman aki ta pa yega na un plan di investigacion longitudinal pa e Proyecto Scol Multilingual (PSML). Pa duna forma na e plan di investigacion aki, lo traha den forma di “comunidad di practica” (communities of practice). Durante e siman aki cuatro instancia local di enseñansa lo forma e partnernan principal di investigacion:

1. Instituto Pedagogico Arubano (Centro di investigacion y desaroyo di Enseñansa)
2. Universidad di Aruba (Center for Research & Development)
3. Universidad di Puerto Rico (Professor Faraclas, Professor de Jesus y sra. Le Compte)
4. Departamento di Enseñansa (PSML). Programa IPA lo ta e anfitrión di e siman y mayoria actividad lo tuma lugar aki mes.

1) Un actividad cu tin pa e docentenan di IPA so, lo ta e tayer titula: “Toward a Community Based Model for Educational Research: Evaluating the Effects of Local Language Education in Latin America, the US, and Aruba”. In this interactive session, models for educational research which have been used to measure the performance of local language education programs in Latin America and the US are discussed, with the goal of designing a community based model for educational research appropriate to the Aruban context. E tayer aki lo tuma luga durante e reunion plenario dia 8 di Maart. Lo bay tin 5 invitado externo presente.

2) Despues di e tayer aki Professor Faraclas lo duna un charla na e studentenan di Bachelor Papiamento den cuadro di e modulo “Maneho di Idioma”. E charla aki lo tuma luga di 3:30 pa 5:00or den e trailer di les di Papiamento.

3) E mesun anochi aki IPA lo tene su prome “Charla Comunitario” / ”Community talk”. Esaki lo ta e prome den un serie di charla cu topico relaciona cu enseñansa y comunidad, organisa pa CIDE. E Charla Comunitario ta pa Publico General. E titulo di dia 8 di maart lo ta: “Community, Multilingualism and Identity: Caribbean English in Aruban Society and Education”. E charla interactivo aki lo tuma luga den Sala Madonna di 7:30 pa 9:00or di anochi.

4) Diamars anochi di 7:00 pa 9:30 nos bishita for di Puerto Rico lo ta orador durante e Studium Generale na Universidad di Aruba. E topico lo ta: Using Papiamento in Aruban Schools: Why it is the right thing to do. In this interactive session, evidence from local language education programs in Latin America and the US will be presented and analyzed to demonstrate the positive effects of using a local language such as Papiamento instead of a European language such as Dutch as the language of instruction and the language of initial literacy in primary schools. E siman aki lo sali publicacion den medionan di comunicacion tocante e diferente actividadnan pa publico general. Si tin cualkier pregunta tocante e programa of kisas e participacion na e encuentronan, por tuma contacto cu mi libremente. Den number di CIDE mi kier invita henter comunidad di IPA pa participa na e actividadnan menciona aki riba.

drs. Merlynne C. Williams

Centro di Investigacion y Desaroyo di Enseñansa (CIDE)

Actividad

Siman di actividad riba tereno di idioma den enseñansa.

Durante e siman di 8 pa 12 di Maart 2010 Instituto Pedagógico Arubano lo ta e anfitrión di un delegación di investigador for di Universidad di Puerto Rico cu lo asisti den haci-
mento di investigación externo den cuadro di e Proyecto Scol Multilingual (PSML) na Aruba.

Meta

Meta principal di e siman aki ta pa yega na un plan di investigación longitudinal basa ar-
iba e teoría di “comunidad di practica” (communities of practice). Comunidad di practica
ta grupo di hende cu ta comparti un interés of un pasión pa cierto actividad y ta siña con
pa haci esaki miho segun cu nan ta interactua cu otro riba un base regular.

Persona involvi

E delegación di investigador ta procedente di Universidad di Puerto Rico, Rio Piedras.
Professor Dr. Nicholas Faraclas ta un Professor den Linguística cu base na Universidad di
Puerto Rico, Rio Piedras y e no ta desconoci na Aruba, ya cu den pasado el a yega di par-
ticipa na varios ocasión na conferencia of charla tocante idioma. Despues di a ricibi su
PhD for di Universidad di California na Berkeley, como tambe diferente beca pa su meri-
tonan (National Science Foundation Fellowship y Fulbright Fellowship) Professor Fara-
clas a desaroya y impartí diferente curso na nivel universitario y publica diferente buki y
artículo científico riba tereno di entre otro sociolingüística, lingüística descriptivo y apli-
ca. Den transcurso di e último tres decanan Professor Faraclas a haci investigación riba
tereno di idioma crioyo y tambe a promove alfabetización na Africa, den e región di Paci-
fico Sur y Caribe.

Hunto cu Professor Faraclas otro dos investigador di idioma lo sostiene e plan di investiga-
ción local. Ta trata aki di Professor Dr. Susana de Jesus, cu tin experiencia amplio den
ramo di enseñansa multilingual y multicultural. Dr. de Jesus ta docente na e Facultad di
Educación di Universidad di Puerto Rico. Otro investigador cu lo ta presente ta sra. Pier
Angeli Le Compte Zambrana, cu ta promoviendo riba e tereno di idioma den Caribe, y cu
lo sondea e posibilidad di implementa e iniciativa unico di e modelo multilingual di Aruba
den otro país den Caribe.

Instancia involvi

Durante e siman aki cuatro instancia local di enseñansa lo forma e partnernan principal di
investigación: 1. Instituto Pedagógico Arubano (Centro di investigación y desaroya di En-
señansa) 2. Universidad di Aruba (Centre for Research & Development) 3. Universidad di
Puerto Rico (Professor Faraclas, de Jesus y Le Compte) 4. Departamento di Enseñansa
(PSML).

Programa

Banda di diferente encuentro interactivo entre e partnernan di investigacion, lo tin tambe oportunidad pa pueblo en general participa den charla y seminario. Mayoria actividad lo tuma luga na Instituto Pedagogico Arubano (Isaac Wagemakerstraat 11, San Nicolas, Aruba). IPA ta orguyoso di e anfitrión di e evento y ta invita tur interesado pa asisti na e siguiente charlanan:

Dialuna 8 di maart di 7:30 pa 9:00: ***Community, Multilingualism and Identity: Caribbean English in Aruban Society and Education***

lugar: Sala Madonna, Instituto Pedagogico Arubano

Diamars 9 di maart di 7:00 pa 9:30: ***Using Papiamentu in Aruban Schools: Why it is the right thing to do.*** lugar: Aula, Universidad di Aruba.



Nick Faraclas

BEROEPSTESTEN 1 y 8 di maart 2010

Dos grupo grandi di estudiante potencial pa studio na IPA ta hacienda nan prueba nan di admision na IPA. Dia 1 y dia 8 di maart e studentenan ta haci nan prueba nan di logopedia, Hulandes y Papiamento. Dia 2 y dia 8 e gruponan ta haci nan prueba nan por escrito. IPABO ta desea e cursistanan hopi exito.

BON NOTICIA:

Muy pronto cantina Nita y onderwijswerkplaats Madonna Stephens lo ta disponibel pa uzo oficial pa docente y estudiante. Esaki ta noticia fresco fresco y cayente cayente saca fo'i forno. Esaki ta un informacion di nos directora Ava Thode.

FASE INTEGRATIVO

Mayoria estudiante di di tres aña di Estudio Inicial y di Papiamento Bachelor ta den pleno preparacion pa nan pasantia den exterior. E studentenan ta haya diferente workshop en coneccion cu nan presentacionnan di cada pais cu nan lo bishita. E studentenan mester haci un presentacion tocante Aruba den exterior y na nan regreso nan lo finalisa nan fase integrativo cu un presentacion unda nan ta haci un comparacion entre e situacion di educacion entre Aruba y e pais bishita. E ana aki e studentenan ta bishita: Movecion y Salud: Merka, e famoso Springfield College na Boston y tambe Hulanda 4-8/6-12 ta bishita Arizona, unda semper nos tabata tin bon contacto. Toledo Zoo y Hulanda, Marnix Academie Bachelor Papiamento: Korsow, diferente instancia waaronder UNA. IPABO ta desea tur estudiante hopi exito den e fase interesante aki.

BISHITA DI MINISTER DI ENSEÑANSA

Pronto Minister di Enseñansa Sr.Arthur Douwers lo honra IPA cu un bishita official. Directora drs.Ava Thode y directora adhunto drs. Ingrid Kuiperdal ta den pleno preparacion pa prepara pa e bishita aki. IPA ta spera cu tur estudiante y docente lo participa den e evento aki pa asina muestra e necesidad pa mas atencion na nos instituto, tanto fisico como den reconocimiento.

BURO PROFESIONALISERING

E departamento aki ta sumamente druk. For di algun tempo drs. Ingrid Kuiperdal, cu ta encabesa e departamento aki a informa cu un cantidad di curso nobo lo cuminsa. Esaki a sosode tambe y segun informacion e cursonan ta bayendo hopi bon. Den e siguiente IPABO lo duna un splicacion di cada curso y di e desaroyonan. Sigui lesa na pag. 6

AFDELING PROFESSIONELE ONTWIKKELING EN PERMANENTE EDUCATIE IPA OPLEIDINGEN 2009-2010

	START DATUM	DOELGROEP	DOELEN
Remedial Teaching Voortgezet Onderwijs (RTVO)	September '09	Zittende lkr. AVO,EPB, EPI	Vormen van RTers voor zorgstructuur scholen
PDG-5	April '10	Zittende lkr.Voortgezet Niet-lkr:HBO/VWO	Onderwijs bevoegdheid
Kennis der Geestelijk Leven (KGL)	November '09	Duc-in-Althum Afgestudeerde lkr en nlkr	Tweedegraads bevoegdheid
Basis Speciaal Onderwijs en Voortgezet Speciaal Onderwijs BSO/VSO	September 2010	Zlkr SO en EPB aspiranten groep	SO-hbo bevoegdheid
Omscholing van 4-8 specialisatie naar 6-12 specialisatie (KO/BO)	Niet bekend raamplan goed te keuren	Zittende leerkrachten specialisatie 4-8	Bevoegdheid 6-12
Consumptieve Technieken	Raamplan in ontwikkeling Streefdatum augustus 2010	Zitt. Lkr EPB en EPI	Tweedegraads bevoegdheid
Master Evidence Based Innovation in teaching (MEBIT)	Januari 2010	Docenten 1ste en 2 ^e graads IPA	Masterdegree lvm accreditatie